

SPORAZUM O SARADNJI

Strane potpisnice:

1. **Fondacija „Registar nacionalnog internet domena Srbije“ (RNIDS)**, Žorža Klemansoa 18a, Beograd, koju zastupa direktor Danko Jevtović,
- i
2. **Univerzitet u Sarajevu, Univerzitetski tele-informatički centar (UTIC)**, Obala Kulina bana 7/II, Sarajevo, koji zastupa prof. dr. Muharem Avdispahić, dr. h. c, rektor

Član 1.

Strane potpisnice saglasno konstatiraju:

RNIDS je stručna, nestranačka, nevladina i nedobitna organizacija koja upravlja registrom nacionalnog internetskog domena Republike Srbije saglasno odluci organizacije ICANN (Internetska korporacija za dodijeljena imena i brojeve), sa osnovnim ciljem ostvarivanja općeg interesa svih građana Srbije, uz poštovanje principa kvaliteta, efikasnosti, nezavisnosti i transparentnosti;

Univerzitet u Sarajevu, Univerzitetski tele-informatički centar (UTIC) je neprofitna organizacija koja upravlja registrom nacionalnog internetskog domena Bosne i Hercegovine saglasno odluci IANA (The Internet Assigned Numbers Authority), sa osnovnim ciljem ostvarivanja općeg interesa svih građana Bosne i Hercegovine, uz poštovanje principa kvaliteta, efikasnosti, nezavisnosti i transparentnosti.

Član 2.

U skladu sa polaznim osnovama, zajedničkim interesima koji potiču iz istovrsne djelatnosti opisane u prethodnom članu, strane potpisnice su saglasne da ovim sporazumom utvrde principe buduće saradnje koja se ogleda u razmjeni iskustava i najbolje prakse u svim oblastima rada nacionalnog registra, a posebno u oblasti unapređenja tehničke infrastrukture, sigurnosti, softvera i pravnih akata od značaja za oblast registracije domena.

Član 3.

Strane potpisnice su saglasne da saradnju razvijaju na ravnopravnim osnovama, uz maksimalnu zaštitu profesionalnih, etičkih i materijalnih interesa druge sporazumne strane.

U realizaciji saradnje u skladu sa ovim sporazumom, svaka od strana potpisnica je saglasna da dosljedno primjenjuje pozitivne propise i uvažava pravila rada druge sporazumne strane.

Član 4.

Sporazumne strane će po potpisivanju Sporazuma promovirati ovu saradnju kanalima komunikacije sa javnošću koje redovno koriste u obavljanju vlastite djelatnosti.

Član 5.

Svaka strana potpisnica snosi vlastite troškove u realizaciji saradnje utvrđene ovim sporazumom.

U slučaju da strane potpisnice ovog sporazuma odluče da realiziraju konkretan pravni posao sa međusobnim pravima i obavezama obligacionopravnog karaktera, isti će se urediti zaključivanjem posebnog ugovora.

U slučaju da određeni segment saradnje zahtijeva razmjenu povjerljivih podataka, strane potpisnice će, saglasno svojim internim aktima, razmotriti taj dio saradnje te, ukoliko postignu saglasnost, potpisat će ugovor o čuvanju povjerljivosti podataka.

Član 6.

U slučaju nesaglasnosti u realizaciji Sporazuma, strane potpisnice su saglasne da nesporzume rješavaju zajednički i u duhu dobrih poslovnih običaja.

Ukoliko je priroda nesporzuma ili spora takva da se ne može riješiti dogovorom i usaglašavanjem, svaka od strana potpisnica ima pravo da pisanim putem otkáže ovaj sporazum, uz otkazni rok od najmanje mjesec dana.

Član 7.


Sve izmjene i dopune ovog sporazuma punovažne su samo ukoliko su sačinjene u pisanoj formi.


Ovaj sporazum se zaključuje na neodređeno vrijeme, s tim da ga svaka strana može otkazati dostavljanjem pisanog obavještenja drugoj strani, sa otkaznim rokom od najmanje tri mjeseca.

Ovaj sporazum prestaje važiti u slučaju prestanka postojanja strana potpisnica, odnosno u slučaju gubitka statusa registra nacionalnog internetskog domena.

Član 8.

Ovaj sporazum je sačinjen u 4 (četiri) istovjetna primjerka, od kojih po dva pripadaju svakoj strani potpisnici.


Danko Jevtović
RNIDS


Prof. dr. Muharem Avdispahić, dr. h. c.
Univerzitet u Sarajevu

16.03.2016.god.
0101-1649/16